



Publicaziuns dalla vischnaunca, jamna 38

Votaziuns federalas e votaziun communal da dils 26 da settember 2021

L'urna principala en casa communal ei aviarta sco suonda:

Dumengia, ils 26-9-2021

9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediat, denton **sil pli tard entochen venderdis, ils 24 da settember 2021, allas 17.00**, tier l'administraziun communal (tel. 081 920 36 36). **Levgiament da votar** Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal. Ils cedels da votar ston esser sil pli tard la dumengia, ils 26 da settember 2021 allas 11.00 tier l'administraziun communal. Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Damondas da baghegiar

2021-1071.000

Datum dalla publicaziun: 24 da settember 2021

Ils patruns: Remo ed Andrea Monn, Via Acletta 53, 7180 Disentis/Mustér

Object: Sanaziun dil plantschiu – nova platta da betun el baghetg annex, parcella 1525, Glaretsch, 7186 Segnas

2021-1072.000

Datum dalla publicaziun: 24 da settember 2021

Ils patruns: Christian e Maria Gabriela Eberle, Zollikerstrasse 227, 8008 Zürich

Il representant: Hûs Architektur und Handwerk GmbH, Albulastrasse 29, 7411 Sils im Domleschg

Object: Renovaziun dalla casa nr. 363A incl. sanaziun dil tetg e remplazzament dil scaldament central entras ina pumpa da calira cun sondas geotermicas, parcella 35, Via Curtins 7, 7186 Segnas

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 24 da settember 2021

Uffeci da baghegiar Disentis/Mustér



Annunzia da baghegiar

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2021-2084.000

Anna Durschei, Via Buretsch 2, 7186 Segnas; spazzada dil mir dil lidimer ed ulivaziun dil terren, parcelas 168 e 3276, Via Buretsch 2 e Mises las Cavorgias, 7180 Disentis/Mustér. Disentis/Mustér, ils 24-9-2021

Uffeci da baghegiar Disentis/Mustér

Quitau dalla fauna e flora indigena Curdems organics san vegnir purtai al center da rimnada a Raveras

Preziadas convischinas e prezias convischins

Adina puspei constatein nus ch'ei vegn dismiss curdems organics (pastget/puma, fein bletsch, tschespet, cumpost, lenna, restonzas da matgs) e rufids da baghetg sin deponias illegalas (selvadias) agl ur da flums ed uals. Che rufids organics san esser in grond prighel per la fauna e flora locala essan nus magari buca pertscharts. Flurs e jarvas ord curtins ed Orts, en special ord il tenercasa, cuntegnan restonzas che derivan da tiaras exoticas. Quellas restonzas ein vegnidas enconuschentas sco neofitas invasive. Neofitas invasive surcreschan plantas ed jarvas indigenas e caschunan cheutras gronds donns vid fauna e flora indigena. Perquei s'audan curdems organics buca sin deponias selvadias, mobein al post da rimnada Raveras. Exempels da talas jarvas ein la darvena gronda (Riesenbärenklau), l'ambrosia ed il badalestg (japanischer Knöterich). La darvena gronda sa caschunar plagas dolorusas (barschadas) ed il badalestg surcrescha entiras rivas da flums. A caschun da malauras vegn il tschespet allas rivas lavaus vinavon e las ragischs dil badalestg sederasan per liung d'uals e flums per l'entira val. Cheu setracta ei mo d'entginas jarvas che han consequenzas remarcablas per nossa cuntrada. Buca tut quei che crescha e flurescha en casa e curtin ei cumportabel cun nossa natira e cuntrada. Deponias illegalas cunterfan buca mo alla legislaziun davart l'economisaziun dil rumien, mobein caschunan era gronds donns vid fauna e flora indigena.

Nus appellein alla responsabladad da vischinas e vischins e supplichein d'observar las ordinaziuns en favur digl ambient.

La vischnaunca dispona d'in bien concept per la rimnada da rumien/rufids da tut gener cun il center da rimnada a Raveras. Nus supplichein da far diever da quella pusseivladad.

Suprastonza communal

Lavurs da construcziun Via Clis

Muort lavurs da construcziun vid ils conducts (aua, canalisaziun, energia, comunicaziun) resta la Via Clis serrada per scadin traffic. Quei pertucca il tschancun denter Funs-Dado e Caschuarz **naven dils 6 da settember entochen ils 30 d'october 2021**. En cass da damondas stat la survigilonza da baghegiar a Vossa disposiziun, 081 943 17 22.

Bien engraziament per Vossa capientscha.

La survigilonza da baghegiar:
ipz inschigniers+planisaders sa



Vischnaunca Disentis/Mustér

Introducziun procedura da contribuziun – sanaziun generala Via Prau

La suprastonza communal intenda d'introducir a basa digl art. 63 dalla lescha da planisaziun dil territori per il cantun Grischun (LPT) ed art. 22 ss. dall'ordinaziun davart la planisaziun dil territori per il cantun Grischun (OPT) pil project dalla sanaziun generala dalla Via Prau la procedura da contribuziun.

Via Prau

Territori cumpigliau tenor plan d'exposiziun:

- interessenza publica 25%
- interessenza privata 75%

L'exposiziun publica dils acts succeda naven **dils 24 da settember entochen ils 15 d'october 2021**. Dils acts d'exposiziun sa vegnir priu envesta en casa communal (stanza nr. 10) duront las usitadas uras da spurtegl. Plinavon sa era vegnir priu envesta dils acts en fuorma digitala sco documents da PDF sut www.disentis.ch/Downloads/Administraziun sut la rubrica «Exposiziun publica».

Acts d'exposiziun

- publicaziun presenta
- territori cumpigliau Via Prau

Encunter l'intenziun d'introducir la procedura da contribuziun ed il territori cumpigliau sco era la definiziun dalla cumpart dall'interessenza publica e privata sa duront il temps dall'exposiziun publica vegnir inoltrau a scret protesta alla suprastonza communal, caum postal 57, 7180 Disentis/Mustér (art. 23 al. 1 OPT).

Disentis/Mustér, ils 24 da settember 2021

Suprastonza communal Disentis/Mustér

Il bus da vaccinar viseta danovamein Mustér

Gliendisdis, ils 4 d'october 2021 denter las 14.30–16.30 sesanfla il bus da vaccinar sil plaz avon halla Cons a Mustér. Personas che vulan seschar violar l'emprema ni la secunda ga san far quei el bus senza preannunzia cun mussar la carta dalla cassa da malsauns sco era la carta d'identitad ni il passaport. Personas indecisas san era seschar cussegljar el liug. Dapli informaziuns ein d'anflar sut www.gr.ch/corona.

Administraziun communal

Controlla da habitonts

Mortoris

Casper Huonder-Bigliel, naschius ils 28-7-1929, morts ils 15-9-2021

Guido Deflorin-Cavegn, naschius ils 25-1-1935, morts ils 16-9-2021



Serrada vias d'ual muort lavurs da construcziun

Duront il temps da baghegiar ston ils tschancuns dils plazzals da construcziun vegnir serrai pil traffic motorisau. En cass da viadis urgents en favur dall'agricultura san ils pertuccai secunvegnir directamein cugl impressari el liug. Il stan actual davart las restricziuns vegn communicaus silla pagina d'internet www.disentis.ch/strassen. Muort ils plazzals pretensius sa ei dar midadas dallas restricziuns da traffic era a cuorta vesta.

Plaun Menisch: Plaunca Su–Pardi

Da Plaunca Su entochen Pardi resta la via serrada entochen igl atun. Per contonscher ils mises a Plaun Menisch exista la pusseivladad da carrar sur la Val da Segnas.

Impressari: Berther Bau und Industrie AG, Ibrahim Bajraktaraj, 079 433 13 10.

Via Run: Truaisch–Plaun Tir

Naven dalla Truaisch entochen la tegia da Plaun Tir ei la via serrada entochen fin october 2021. Igl access sin quei tschancun ei sulettamein pusseivels pil traffic plaun.

Via Cavorgia: Mises las Cavorgias–Camacher–Riada

A Cavorgia ei la via serrada naven dils 16 d'uost 2021. Pil mument ein ils mises a Camacher–Cavorgia Sura pertuccai dallas restricziuns da traffic. Las restricziuns da traffic serestrenschan per regla duront l'jamna.

Impressari: Loretz SA, 081 949 18 91.

Nus supplichein da prender enconuschientscha da quest avis ed engraziein per la capientscha.

Uffeci forestal Disentis/Mustér

Taxa da cumpensaziun da pumpiers 2021

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschientscha e finescha alla fin digl onn ch'ins ha cumplenu il 45avel onn da naschientscha. Tgi che presta buca survetsch activ ha da pagar ina taxa da cumpensaziun. Tenor art. 15 dalla lescha da pumpiers dalla vischnaunca da Mustér ein student(a)s ed emprendist(a)s entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata. Nus fagein attents **student(a)s ed emprendist(a)s sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard **gievvia, ils 30 da settember 2021** all'administraziun communal, caum postal 57, 7180 Disentis/Mustér ni per e-mail (rigenelin@disentis.ch). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

Administraziun communal

Rimnada da pupi

Venderdis, ils 8-10-2021

Preziadas convischinas, prezias convischins. La rimnada da pupi digl'october ha liug sco usitau.

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei da gliendisdis tochen venderdis (12.00–17.00) e sondas (10.00–12.00) e buca duront la rimnada.

Bien engraziament per Vies agid e sustegn!

Nossa Scola populara Mustér, Ch. Berger



Uniun da dunnas Mustér

Fiera da resti d'affons

Nus prendein encunter bien, schuber ed entir resti da stad e d'unviern tochen grondezia 176, vestgadira da gravidonza, termagls, calzera, sezs d'autos e da meisa, crotschas, velos, capellinas, skis, scarsolas eav. Dumnas che drovan ina nova numera ni han damondas san contactar Isabel Sac, tel. 076 501 76 51.

Dar giu resti:

Venderdis, ils 24 da settember 2021, dallas 15.30 entochen allas 16.00 en halla Cons, Mustér

Adatg: per plascher mintga grondezia da resti separau en ina tastga!

Vendita:

Venderdis, ils 24 da settember 2021, dallas 18.00 entochen allas 21.30 e **sonda, ils 25 da settember 2021**, dallas 9.00 entochen allas 11.30 en halla Cons, Mustér.

Retuorn dil resti buca vendiu e pagament (minus 20%):

Sonda, ils 25 da settember 2021, dallas 13.30 entochen allas 13.45. Per uorden che maunca savein nus surprender negina responsabladad.

Adatg!

En halla vala in obligatori da purtar mascrina! Maximal 30 persunas il medem mument en halla. Prendei ina atgna tastga da cumpra! Negina stiva da caffè!

Kinderkleiderbörse

Wir nehmen gut erhaltene, saubere und ganze Sommer-sowie Winterkleider bis Grösse 176 entgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Velos, Helme, Ski, Schlitten usw. Frauen, die eine Nummer brauchen oder Fragen haben, können mit Isabel Sac Kontakt aufnehmen, Tel. 076 501 76 51.

Annahme:

Freitag, 24. September 2021, von 15.30 bis 16.00 Uhr in der Turnhalle Cons, Disentis

Achtung: Bitte jede Kleidergrösse separat in eine Tasche!

Verkauf:

Freitag, 24. September 2021, von 18.00 bis 21.30 Uhr und **Samstag, 25. September 2021**, von 9.00 bis 11.30 Uhr in der Turnhalle Cons, Disentis.

Auszahlung (abzüglich 20%) und Rückgabe:

Samstag, 25. September 2021, von 13.30 bis 13.45 Uhr. Für fehlende Sachen können wir keine Haftung übernehmen.

Achtung!

In der Halle gilt Maskenpflicht! Es dürfen sich maximal 30 Personen zur gleichen Zeit in der Halle aufhalten. Bitte eine eigene Einkaufstasche mitnehmen. Keine Kaffeestube!

Nus selegrein sin Vossa viseta.

Uniun da dunnas Disentis/Mustér,
gruppa d'organisaziun fieras da resti



Sentupada cun affons pigns e geniturs

La grupp da seruschnar/termagliar dat la caschun als affons pigns ed als geniturs da s'entupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessen plinavon era far queidas als affons da visitar pli tard la grupp da termagliar Artgin che ha liug el medem local e nua ch'ils affons stattan persuls duas uras cun las menadras, e quei inaga la jamna. Pils affons eis ei sco d'entrar ella tiara dalla cucagna cun massa novs termagls, e tut quei da cumpignia. Vegni e mirei, nus selegrein sin Vossa viseta!

Proxima sentupada: **gievgia, ils 30 da settember 2021**
Temps: 15.00–16.30
Liug: Casa da scola Segnas, local Artgin, ella 1. alzada
Prender cun: marena e scalfins

Ulteriuras informaziuns e datums anfleis Vus sut

<https://smex-ctp.trendmicro.com:443/wis/clicktime/v1/query?url=www.uddm.ch&umid=3f205239-0634-4538-b2d9-fc5e1f-7c83e8&auth=16165c07cd70de94d4ac685740f2fda-574c0eaf7-761aa885dab47937cd50d74cac2e217b-509c67ed>

Cordialmein envida Uniun da dunnas, ressort affons

Colonna d'agid Mustér

Cuors da reiver per affons

Gia dapi biars onns organisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver vegn organisau duront otg seras mintgamai la mesjamna in cuors da reiver per affons dallas annadas 2014–2009.

Liug: Halla da reiver el Center da sport e cultura, Mustér
Entschatta: mesjamna, ils 27-10-2021, entochen miez december 2021, annadas 2014–2009, 17.30–19.00
Menaders: Commembers dalla Colonna d'agid Mustér cun brevet Giuventetgna + sport
Annunzias: Entochen gliendisdis, ils **25-10-2021**, alla Colonna d'agid Mustér, Otmar Venzin, 079 381 25 52. Segirada ei caussa da mintga participont/a.

Colonna d'agid Mustér

Obligatori da certificat en la Biblioteca populara Disentis/Mustér e contuorn

Tenor decisiun dil Cussegl federal vala era en nossa biblioteca naven d'immediat igl obligatori da certificat da Covid per visitaders naven da 16 onns. Igl obligatori da purtar mascrina scroda. Haveis Vus buca in certificat, purschin nus bugen nies survetsch d'empustaziun e retratga.

Bien engraziament per Vossa capientscha.

Nus selegrein sin Vossa viseta. Il team dalla biblioteca



Zertifikatspflicht in der Biblioteca populara Disentis/Mustér e contuorn

Gemäss Entscheid des Bundesrats gilt auch in unserer Bibliothek ab sofort die Covid-Zertifikatspflicht für Besucher ab 16 Jahren. Die Maskenpflicht ist aufgehoben. Für Bibliothekskunden ohne Zertifikat bieten wir unseren Bestell- und Abholservice an. Herzlichen Dank für Ihr Verständnis.

Wir freuen uns auf Ihren Besuch.

Das Bibliotheksteam

Uniun da dunnas Disentis/Mustér

Dau giu – Abgesagt

Muort la decisiun dalla Confederaziun digl obligatori da certificat, stuein nus dar giu la fiera da resti ils **24 e 25-9-2021**. Nus sperein sin vossa capientscha e selegrein sin la proxima fiera da resti.

Durch die Entscheidung des Bundesrats über die Einführung der Zertifikatspflicht müssen wir die Kinderkleiderbörse vom **24.–25.9.2021** absagen.

Wir hoffen auf euer Verständnis und freuen uns auf die nächste Kinderkleiderbörse.

Invitaziun Seniors-Ca

Gievgia, ils 30 da settember 2021 da bialaura:

Excursiun sin Cuolm da Vi. Rimnada allas 12.50 alla staziun, partenza cul tren allas 13.14 viers Sedrun. Spassegjada tier la staziun dalla pendiculara. Per tut tgi che vul ni po buca, havein nus organisau in transport! Nus gudin il panorama da Cuolm da Vi e schein gustar da buna cumpignia in bien caffè ed in toc petta (offeriu). Partenza da Sedrun cul tren allas 16.16.

Annunzia tochen: **mardis, ils 28 da settember 2021** allas 17.00 a Puntreis (tel. 081 929 56 56) cun indicar, sche haveis gia la carta gratuita per la pendiculara!

Da macort'aura:

entschatta allas 13.45 en Puntreis tier giugs/troccas/jass/star da cumpignia cun caffè e petta (offeriu).

Adatg 1: Mesjamna, ils 29 da settember 2021 allas 10.00 vegn decidiu, sche l'excursiun ha liug.

Adatg 2: **Participaziun mo cun in certificat** (buc emblidar la carta d'indentitad!).

Seniors-Ca ha entschiet bein cun 30 participontas/participonts. Engrazie!! Vegni pia era!

Scclariment: Linus, 079 423 01 37 ni Jürg, 079 445 14 13, team Seniors-Ca.

Mo da macort'aura:

Meisa da miezdi organisada da Seniors-Ca e Puntreis Entschatta: allas 12.15 en Puntreis. Gentar cun treis tratgas inclusiv aua dalla spina ed in caffè. Annunzia entochen allas 9.00 dil di alla Puntreis (081 929 56 56). La meisa da miezdi ei aviarta per mintgin/a.

Post d'informaziun Seniors-Ca